

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), Vlada Zeničko-dobojskog kantona, na prijedlog Ministarstva za pravosuđe i upravu, na 63. sjednici, održanoj 21.07.2016. godine, d o n o s i

Z A K L J U Č A K

I.

Prihvata se Informacija o stanju u oblasti pravosuđa na području Zeničko-dobojskog kantona.

II.

Informacija iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/16.
Datum, 21.07.2016. godine
Z e n i c a

PREMIJER

Miralem Galijašević

DOSTAVLJENO:

1x Stručna služba Skupštine,
1x Ministarstvo za pravosuđe i upravu,
1x a/a.

O B R A Z L O Ž E N J E

Pravni osnov za donošenje zaključka sadržan je u članu 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i članu 51. Poslovnika o radu Vlade Zeničko-dobojskog kantona ("Službene novine Zeničko-dobojskog kantona", broj: 5/11.)

Razlozi za donošenje: Programom rada Vlade i Programom rada Skupštine za 2016.godinu predviđeno je razmatranje Informacije stanju u oblasti pravosuđa na području Zeničko-dobojskog kantona, na prijedlog Ministarstva za pravosuđe i upravu, te se u tom smislu, radi realizacije programskog zadatka predlaže donošenje zaključka.

Finansijska sredstva za realizaciju ovog zaključka nisu potrebna.

I N F O R M A C I J A
O STANJU U OBLASTI PRAVOSUĐA
NA PODRUČJU ZENIČKO-DOBOJSKOG KANTONA ZA 2015. GOINU

DIO I – UVOD

Da bi se osiguralo efikasno ostvarivanje nadležnosti države BiH, njenih teritorijalnih jedinica i poštivanje ljudskih prava i vladavine zakona na njenoj teritoriji osnivaju se sudovi i tužilaštva, koji djeluju u okviru svojih zakonom utvrđenih nadležnosti. Neophodno je da sudovi štite prava i slobode zajamčene ustavima i zakonima u Bosni i Hercegovini, te da obezbjeđuju ustavnost i zakonitost, dok tužilaštva sprovode istražne radnje i gone potencijalne počiniocce krivičnih djela u skladu sa zakonom, i ulažu pravna sredstva za zaštitu zakonitosti i ustavnosti.

Osiguranje neovisnosti pravosudnog sistema u Bosni i Hercegovini, kao i uspostava odnosa između izvršne i pravosudne vlasti zasnovanog na međusobnom povjerenju i uvažavanju načela nemiješanja u ovlasti i funkcije predstavlja osnovnu pretpostavku za uspostavu efikasnog pravosudnog sistema, koji kroz svoje mehanizme ima služiti zaštiti ljudskih prava i sloboda. Obzirom da sudije vršeći svoje ovlasti propisane zakonom djeluju kao vrhovni autoriteti u zaštiti ljudskih prava i sloboda, stepen njihove neovisnosti istovremeno služi kao indikator nivoa zaštite ljudskih prava u određenom društvu. Također, imajući u vidu osnovnu funkciju tužioca, koja se ogleda u otkrivanju i gonjenju počinioca krivičnih djela, kao i ulogu tužilaštava u očuvanju vladavine prava kroz sistem krivično-pravne zaštite, osiguranje neovisnosti ove kategorije nosioca pravosudne funkcije predstavlja jedan od ključnih uvjeta za efikasno funkcioniranje demokratskog društva, zasnovanog na poštivanju ljudskih prava i temeljnih sloboda.

Sudstvo zauzima poseban položaj u društvu. Funkcionalno pravosuđe je ključni faktor za uspješnu ekonomsku i socijalnu tranziciju, kao i za izgradnju mirnog i pravednog društva.

DIO DRUGI – ORGANIZACIJA, INFRASTRUKTURA I LJUDSKI RESURSI

Sudski sistem Bosne i Hercegovine trenutno čine:

- Ustavni sud Bosne i Hercegovine, Ustavni sud RS i Ustavni sud Federacije Bosne i Hercegovine
- Sud BiH,
- 2 entitetska vrhovna suda,
- 16 kantonalnih i okružnih sudova,
- 51 opštinski/osnovni sud
- 5 okružnih privrednih sudova u Republici Srpskoj, i
- Viši privredni sud u Banja Luci.

Sudsku vlast u Federaciji vrše:

- Ustavni sud, Vrhovni sud,
- kantonalni sudovi i
- općinski sudovi.

Osnivanje i organizacija sudova u Federaciji BiH utvrđena je Zakonom o sudovima u Federaciji („Službene novine Federacije Bosne i Hercegovine“, broj: 38/05, 22/06, 63/10, 72/40 i 7/13)

POGLAVLJE I – Organizacija sudskih institucija na području Zeničko-dobojskog kantona

A. Sudovi

Na području Zeničko-dobojskog kantona ustanovljeni su Kantonalni sud u Zenici i šest općinskih sudova, i to:

1. Općinski sud u Zenici za područje općine Zenica.
2. Općinski sud u Tešnju za područje općina Tešanj, Usora i Doboj-jug,
3. Općinski sud u Zavidovićima za područje općina Zavidovići i Maglaj Ovaj sud ima i odjeljenje van sjedišta suda u Maglaju za područje općine Maglaj
4. Općinski sud u Kaknju za područje općine Kakanj,
5. Općinski sud u Visokom za područje općina Visoko, Vareš, Olovo i Breza. Ovaj sud ima i odjeljenje van sjedišta suda u Olovu za područje općine Olovo
6. Općinski sud u Žepču za područje općine Žepče.

Općinski sudovi obrazuju se za područje jedne općine (Općinski sud Kakanj, Zenica i Žepče) ili za područje više općina (Općinski sud Tešanj, Zavidovići i Visoko) i mogu imati odjeljenja izvan sjedišta suda koja se obrazuju i ukidaju Zakonom o sudovima u Federaciji Bosne i Hercegovine (Općinski sud Zavidovići ima odjeljenje u Maglaju i Općinski sud Visoko ima odjeljenje u Olovu).

U općinskim sudovima se za privredne predmete obrazuju privredna odjeljenja i ona su nadležna za područje cijelog kantona. U Zeničko-dobojskom kantonu ovo odjeljenje je obrazovano u Općinskom sudu u Zenici. U ovom sudu se obavljaju i poslovi upisa u registre pravnih lica.

Kantonalni sud obrazuje se za područje jednog kantona.

B. Tužilaštvo

U Federaciji Bosne i Hercegovine tužilački sistem djeluje na dva nivoa, kantonalnom i federalnom. Kantonalno tužilaštvo Zeničko-dobojskog kantona ustanovljeno je Zakonom o kantonalnom tužilaštvu Zeničko-dobojskog kantona („Službene novine Zeničko-dobojskog kantona“, broj 5/03 i 11/07). godine i uspostavlja se sa jurisdikcijom za cijelu teritoriju kantona, na dan 28.01.2004. godine, koje je odredilo Visoko sudsko i tužilačko vijeće BiH.

C. Nadležnosti

Nadležnost prvostepenih sudova u Federaciji BiH je utvrđena članom 28. Zakona o sudovima u Federaciji Bosne i Hercegovine.

Kantonalni sud je nadležan:

1. Prvostepena nadležnost

- da sudi za krivična djela za koja je zakonom propisana kazna zatvora više od 10 godina ili dugotrajni zatvor, ako zakonom nije određena nadležnost drugog suda;
- da postupa u toku istrage i nakon podizanja optužnice u skladu sa zakonom;
- da sudi za krivična djela za koja je Sud Bosne i Hercegovine prenio nadležnost na kantonalne sudove i
- da odlučuje u svim upravnim sporovima, kao i o zahtjevima za zaštitu sloboda i prava utvrđenih ustavom, ako su takve slobode i prava povrijeđeni konačnim pojedinačnim aktom ili radnjom službenog lica u organima uprave, odnosno odgovornog lica u preduzeću, ustanovi ili drugom pravnom licu kada za zaštitu tih prava nije osigurana druga sudska zaštita.

2. Drugostepena nadležnost

- da odlučuje o žalbama protiv odluka općinskih sudova,
- da odlučuje o drugim redovnim i vanrednim pravnim lijekovima, ako je to određeno zakonom.

3. Ostalo

- da rješava o sukobu mjesne nadležnosti između općinskih sudova sa područja kantona;
- da odlučuje o prijenosu mjesne nadležnosti sa jednog općinskog suda na drugi općinski sud na području kantona;
- da odlučuje o brisanju osude i prestanku mjera sigurnosti i pravnih posljedica osude na osnovu sudske odluke;
- da postupa po molbama za pomilovanje u skladu sa zakonom;
- da rješava o priznavanju odluka stranih sudova, stranih trgovačkih sudova i stranih arbitraža;
- da pruža međunarodnu pravnu pomoć u krivičnim predmetima i da obavlja druge poslove određene zakonom.

Općinski sud je nadležan:

1. U krivičnim predmetima:

- a) da u prvom stepenu sudi:
 - za krivična djela za koja je zakonom propisana kao glavna kazna novčana kazna ili kazna zatvora do 10 godina, ako posebnim zakonom nije određena nadležnost drugog suda;
 - za krivična djela za koja je posebnim zakonom određena nadležnost općinskog suda;
 - za krivična djela za koja je Sud Bosne i Hercegovine prenio nadležnost na općinski sud
 - u svim krivičnim postupcima protiv maloljetnika;
 - da postupa tokom istrage i nakon podizanja optužnice u skladu sa zakonom;
 - da odlučuje o vanrednim pravnim lijekovima kad je to zakonom predviđeno;
 - da odlučuje o brisanju osude i prestanku mjera sigurnosti i pravnih posljedica osude, na osnovu sudske odluke i
 - da postupa po molbama za pomilovanje u skladu sa zakonom.

2. U građanskim predmetima da u prvom stepenu sudi:

- u svim građanskim sporovima i
- u vanparničnom postupku.

3. U privrednim predmetima općinski sudovi koji imaju privredna odjeljenja u prvom stepenu sude:

- u sporovima koji se odnose na prava i obaveze po osnovu pravnog prometa roba, usluga, vrijednosnih papira, vlasničkih i drugih stvarnih prava na nekretninama, te na prava i obaveze proistekle iz vrijednosnih papira u kojima su obje stranke u postupku pravno lice ili fizičko lice koje, u svojstvu samostalnog poduzetnika ili u drugom svojstvu, obavlja privrednu ili drugu registriranu djelatnost u vidu osnovnog ili dopunskog zanimanja;
- u sporovima koji se odnose na brodove i na plovidbu na moru i unutrašnjim vodama, te
- u sporovima na koje se primjenjuje plovidbeno pravo, osim sporova o prijevozu putnika;

- u sporovima koji se odnose na avione, te u sporovima na koje se primjenjuje vazduhoplovno pravo, osim sporova o prijevozu putnika;
- sporovi iz autorskog prava, srodnih prava i prava industrijske svojine;
- sporove nastale povodom djela za koja se tvrdi da predstavljaju nelojalnu konkurenciju ili monopolistički sporazum;
- privredne prijestupe i
- u postupku stečaja i likvidacije, u skladu sa zakonom, kao i u
- svim sporovima koji nastanu u toku i povodom provođenja postupka stečaja i likvidacije.

4. U drugim predmetima:

- da vodi izvršni postupak, ako zakonom nije drugačije određeno;
- da određuje mjere osiguranja, ako zakonom nije drugačije određeno;
- da rješava u posebnim postupcima, ako zakonom nije drugačije određeno;
- da obavlja zemljišno-knjižne poslove u skladu sa zakonom;
- da pruža pravnu pomoć sudovima u Bosni i Hercegovini;
- da vrši poslove međunarodne pravne pomoći, ako zakonom nije određeno da neke od tih poslova vrši kantonalni sud;
- da vrši poslove upisa u registre pravnih lica i
- da vrši druge poslove određene zakonom.

Tužilaštvo vodi istragu i goni osobe za koje sumnja da su počinioi krivičnih djela i privrednih prijestupa i vrši druge poslove određene zakonom. Kad nađe da zbog povrede kantonalnog zakona ili međunarodnog ugovora postoje osnovani razlozi da upotrijebi pravno sredstvo protiv izvršne sudske odluke ili odluke donesene u upravnom ili drugom postupku, glavni tužilac može zahtijevati da se odloži, odnosno prekine izvršenje takve odluke, ako bi njenim izvršenjem mogle nastupiti neotklonjive štetne posljedice.

Kantonalna tužilaštva nadležna su da vode istragu i zastupaju optužnice pred općinskim i kantonalnim sudovima u Federaciji BiH. Prema tome zadatak tužilaštva je da provede istragu ukoliko ima saznanja da je počinjeno krivično djelo, da pronade izvršioca i privede ga pred lice pravde. Samo tužilac može pokrenutu krivični postupak i zastupati optužnicu pred sudom.

POGLAVLJE II - Infrastruktura

Tabela 1 - Pravosudne institucije na području Zeničko-dobojskog kantona smještene su u objektima i to:

RED.BR	TUŽILAŠTVO/SUD	POSJEDOVNO STANJE (PL)	ZEMLJIŠNOKNJIŽNI IZVADAK (ZKUL)
1.	Kantonalno tužilaštvo	Katastar; k.č. 1005 posjednik SIZ	Zk ured: k.č. 537/3, 536/1 i 536/2, vlasnik ZDK- Ministarstvo finansija
2.	Kantonalni sud u Zenici	PL:31 KO Zenica I Parcela 991 posjednik: Stambeno preduzeće	ZK uložak: 3653, KO SP- Zenica Vlasnički list: Šaćiragić Ferid i Šaćiragić Ferida sa ½ ZK uložak:350 KO: SP-Zenica Državna svojina 1/1 C list: Zavod za izgradnju i

			uređenje Zenica
3.	Općinski sud u Zenici	PL:3 KO: Zenica II Posjednik: Općinski sud u Zenici	ZK uložak: 231 KO: SP-Zenica B list: Državni sekretarijat za pravosuđe i upravu NR BiH Sarajevo- Sreski sud Zenica 1/1
4.	Općinski sud u Kaknju	PL: 281/01, KO Kakanj Posjednik: Općinski SUP Kakanj 1/1 Naziv parcele: SUD i SUP naziv kulture: garaža PL:299/21 Posjednik: Skupština opštine Kakanj Naziv parcele: opštinski sud...	ZK uložak 1570 KO Popi A list: Općinski sud (kuća i zgrada, dvorište, garaža)... B list: opštenarodna imovina
5.	Općinski sud u Visokom- odjeljenje u Olovu	Katastarskoknjižni izvadak KO: Olovo Indikacija nosioca prava na zemljištu: Općinski sud Olovo-posjednik Naziv parcele Stari MUP Indikacija nosioca prava na objektu: Općina Olovo	ZK uložak: 329 B list: pravo raspolaganja- Općina Olovo Pravo korištenja Općinski sud u Olovu
6.	Općinski sud u Visokom Ul. Alije Izetbegovića br. 1	Katastarskoknjižni izvadak KO: Visoko 26 - Indikacija nosioca prava na objektu: „Vizija“ doo Visoko - Indikacija nosioca prava na objektu: Visoko Zeničko-dobojski kanton- posjednik	ZK uložak 4642 KO Visoko B list: Zeničko-dobojski kanton- Vlada Kantona
7.	Općinski sud u Visokom Ul. Alije Izetbegovića br. 41	PL-4 KO Visoko Posjednik: Općina Visoko	ZK uložak: 975 KO Visoko B list: Općina Visoko C list: Zabilješka spora- zabrana raspolaganja nekretninom Tužitelj: Velepromet-Maloprodaja Visoko
8.	Općinski sud u Zavidovićima	PL: 2248, KO 420 Zavidovići Posjednik: Zeničko- dobojski kanton- Općinski sud Naziv parcele: Ciglana, Kultura: kuća i zgrada dvorište, dvorište	Nema zemljišnih knjiga
9.	Općinski sud Zavidovići-		ZK-1906

	odjeljenje u Maglaju		Općina Maglaj
10.	Općinski sud u Žepču	PL : 505, KO: Žepče Posjednik: Udruženje penzionera i invalida rada Žepče	Nema zemljišnih knjiga
11.	Općinski sud u Tešnju	PL:2024, KO-Tešanj I Posjednik: Zeničko- dobojski kanton Broj parcele: 447-Naziv parcele-Krndija sud, kultura: ekonomsko dvoriste	ZK uložak 4865 KO SP Tešanj A list-Općinski sud u Tešnju B list Zeničko-dobojski kanton

Zgrade u kojim se nalaze sudovi, a koje je izgradila Vlada Zeničko-dobojskog kantona, (Općinski sud u Visokom Ul. Alije Izetbegovića br. 1. i Općinski sud u Tešnju) su i katastarski i gruntovno uknjiženi kao imovina Zeničko-dobojskog kantona, odnosno općinskog suda.

Infrastruktura sudova u Zeničko-dobojskom kantonu još uvijek nije riješena na zadovoljavajući način. Od sedam sudova (uključujući i Kantonalni sud) potrebe suda zadovoljavaju zgrade Općinskog suda u Tešnju i Općinskog suda u Visokom, iako se već pokazao problem smještajnog prostora i u tim sudovima. Kantonalni sud u Zenici je dobio nove radne prostorije nakon što je ovo ministarstvo iniciralo dogradnju zgrade Kantonalnog suda.

Sud u Tešnju ima problem sa smještajem arhive, tako da je jedan dio iste već smješten u neuvjetan prostor u zgradi Vatrogasnog doma i za kratko vrijeme i taj prostor će biti nedovoljan.

Na zgradi Općinskog suda u Zenici pored radova koji su urađeni posljednjih godina (sanacija ravnog krova, uređenje mokrih čvorova, uređenje kompletnog prizemlja, izmjena prozora na zapadnoj strani suda itd), neophodno je, a što je i planirano, nastaviti sa izmjenom prozora na zgradi suda, za koje namjene su i planirana sredstva u iznosu od 100.000,00 KM. Najveći problem Općinskog suda u Zenici je nedostatak prostora koji je evidentan, iako još nije izvršena popuna radnih mjesta prema usvojenoj sistematizaciji suda. Ministarstvo za pravosuđe i upravu planira u narednim godinama realizirati projekat dogradnje zgrade suda, ovisno od finansijskih sredstava u Budžetu Zeničko-dobojskog kantona i eventualnih donatora.

Što se tiče zgrade Općinskog suda u Zavidovićima, puno veći problem je bilo odjeljenje suda u Maglaju, smješteno u zgradi koja pripada općini Maglaj. Kako je u poplavama tokom maja 2014.godine navedena zgrada pretrpjela znatna oštećena, zajedno sa ostalim dijelovima zgrade općine Maglaj u organizaciji UNDP-a saniran je dio koji koristi ovo odjeljenje, tako što je stavljena fasada i zamjenjena vanjska stolarija. S druge strane i Visoko sudsko i tužilačko vijeće BiH je u okviru Projekta unaprijeđenje efikasnosti pravosuđa finansiranog od strane Vlade Norveške implementiralo aktivnosti na sanaciji šteta od poplave gdje je ukupna vrijednost radova iznosila 111.926,27 KM bez uračunatog PDV-a. Navedeni radovi su obuhvatili zamjenu unutrašnje stolarije, sanaciju mokrih čvorova, izmjenu podnih obloga-stavljanje laminata, krećenje svih prostorija, a takođe uređen je krov i prostor za arhivu koji se tu nalazi. Takođe, izvršeno je i opremanje Odjeljenja Općinskog suda u Zavidovićima smještenog u Maglaju, nabavkom kancelarijskog namještaja vrijednosti 10.170,00 KM bez uračunatog PDV-a.

Do 2012.godine, zgrada Općinskog suda u Kaknju od same izgradnje nije renovirana, niti su vršena bilo kakva ulaganja u istu. Međutim, od 2012.godine, planirano je prioritarno rješavanje rekonstrukcije i adaptacije zgrade Općinskog suda u Kaknju, tako da su prvo sanirani i uređeni mokri čvorovi na svim spratovima, tokom 2013.godine izvršena je adaptacija prizemlja, uređene su kancelarije, zk ured i pisarnica, promjenjeni prozori, podovi i elektroinstalacije, a takođe je izvršena rekonstrukcija i nadogradnja telekomunikacionog sistema, a vrijednost svih radova je bila 76.850,00 KM. Radovi su nastavljeni i tokom 2014. godine, kada su izvedeni građevinski i građevinsko-zanatski radovi na krovu zgrade, uređen parking i izvršena sanacija stepeništa i ograde, a vrijednost tih radova je bila 83.549,00 KM. Takođe je sa svoje strane i Općina Kakanj

finansirala postavljanje fasade na zgradi suda. Kao i u Općinskom sudu u Zavidovićima, Visoko sudsko i tužilačko vijeće BiH je poduzelo aktivnosti na sanaciji šteta od poplave, tako da je u Općinskom sudu u Kaknju izvršena adaptacija i uređenje kompletnih podrumskih prostorija u kojima je smještena arhiva, krečenje i renoviranje mokrih čvorova, a vrijednost ukupnih radova iznosila je 111.452,19 KM (bez PDV-a). Takođe je od strane VSTV-a BiH izvršena i nabavka kancelarijskog namještaja vrijednosti 29.814,00 KM (bez PDV-a).

Što se tiče Općinskog suda u Visokom nedostatak sudnica riješen je kupovinom 213 m² poslovnog prostora u istoj zgradi u kojoj je smješten sud. Najteže stanje po pitanju zgrade i infrastrukture je u odjeljenju Općinskog suda u Visoko koje je smješteno u Olovu. Zgrada je stara, skoro u potpunosti devastirana. Nastojeći da riješimo problem ovog suda, urađen je idejni i glavni projekat izgradnje objekta Općinskog suda u Visokom – odjeljenje Olovo, a svoju pomoć u istom je pružila i općina Olovo, koja je bez naknade ustupila zemljište za izgradnju istog. Projekat izgradnje je kandidiran za finansiranje iz IPA fondova u narednom periodu. Što se tiče zgrade Općinskog suda u Žepču, obzirom da zgrada suda pripada Općini Žepče, ovo ministarstvo nije vršilo ulaganja u istu, iako je nužna rekonstrukcija same zgrade. Pored tekućeg održavanja, potrebno je izvršiti rekonstrukciju potkrovlja u kome je smještena arhiva, jer zbog tereta postoji mogućnost urušavanja. Naglašavamo kao jednu od najvažnijih infrastrukturnih investicija novu zgradu Kantonalnog tužilaštva, kao projekat koji se finansira iz sredstava EU i sredstvima koje je obezbijedila Vlada Zeničko-dobojskog kantona, a biće predmetom posebnog izvještaja ovog ministarstva.

Ministarstvo za pravosuđe će i dalje nastojati da obezbijedi što bolje uvjete za rad u institucijama pravosuđa, a potrebno je još mnogo finansijskih sredstava koja se moraju uložiti u iste, naročito u Odjeljenje Općinskog suda u Visokom smješteno u Olovu, a potom i Općinskog suda u Žepču. Takođe je evidentan nedostatak radnog prostora i prostora za arhivu u svim sudovima, kao i određena investiciona i tekuća ulaganja.

Tabelarni prikaz broja sudnica i ostalih kancelarija kojima raspolažu sudovi i tužilaštvo

r.broj	naziv suda	Broj sudnica	Broj ostalih službenih prostorija
1	Kantonalni sud	2	41
2	Općinski sud Zenica	9	51
3	Općinski sud Tešanj	11	13
4	Općinski sud Zavidovići	3	26
	Odjeljenje u Maglaju	2	20
5	Općinski sud Kakanj	2	22
6	Općinski sud Visoko	14	10
	Odjeljenje u Olovu	2	2
7	Općinski sud Žepče	1	10
8	Kantonalno tužilaštvo	-	29

Raspoloživi prostor se koristi za potrebe suđenja, zemljišno-knjižne urede, pisarnicu i arhivu, te ostale potrebe sudske uprave. Također u većini sudova kancelarije sudija se koriste za suđenja, obzirom da ne postoji dovoljan broj sudnica.

A. Informatizacija i oprema

Proces informatizacije bosanskohercegovačkog pravosuđa bio je dosta dug, ali danas, Bosna i Hercegovina ima najsveobuhvatniji i najmoderniji pravosudni informacijski sistem u regiji, koji u velikoj mjeri doprinosi boljem ostvarivanju pravde. Osnovni elementi IKT strategije koji su primijenjeni su sljedeći:

- sistem za upravljanje sudskim predmetima (CMS);
- centralizirano operativno okruženje u VSTV-u;
- nacionalna mreža širokog područja (WAN) koja povezuje 85 institucija;
- lokalne mreže u 85 institucija; (područje cijele BiH)
- portal pravosuđa koji građanima omogućava lakši pristup informacijama;
- Centar za sudsku dokumentaciju za lakši pristup informacijama, namijenjen sudijama, tužiocima i stručnim saradnicima;
- u svim sudovima i tužilaštvima, zaposleni su IKT stručnjaci, izuzev suda u Žepču u kome je u toku procedura za popunu ovog radnog mjesta.

Visokokvalitetne i moderne sudske usluge, koje će odgovoriti svim potrebama društva nemoguće je pružiti bez informacijske i komunikacijske tehnologije (IKT). Sve ove novine popraćene su osnovnom i naprednom KT obukom koju je prošlo veliki broj korisnika u pravosudnim institucijama.

Uvođenje IKT-a u pravosuđe donosi sa sobom mnoge prednosti, kako za sudsko osoblje tako i za građane. Produktivnost rada suda ovim je znatno unaprijeđena, od pisarnice pa do izrade različitih izvještaja. Zahvaljujući informatizaciji, sudovi su sada integrirani u sistem koji uvezuje sve pojedinačne procese, za razliku od nekoordiniranog djelovanja pojedinačnih segmenata što je ranije bio slučaj.

CMS je zamijenio veliki broj upisnika čime je

1. ušteđen ogroman prostor za pohranjivanje spisa u tužilačkim uredima
2. osigurano sistematično evidentiranje, numerisanje i uredno spremanje tužilačkih spisa.
3. značajno unaprijedio komunikaciju sa strankama jer im se sada informacije, za koje je nekad trebalo utrošiti sate čitanja i ručnog traženja u brojnim registrima, dostavljaju u samo nekoliko minuta.

Tužilački CMS je doprinio i unaprjeđenju interne komunikacije među tužilaštvima kroz sistem upozorenja koja obavještavaju uposlenike na određene radnje koje moraju obaviti da bi mogli nastaviti postupak. Uspostavljena je jedinstvena integrirana baza podataka osumnjičenih lica. Precizno vođenje elektronskih evidencija osigurava brz uvid u stanje predmeta i svim radnjama poduzetim u pojedinačnim predmetima. Svi predmeti su upisani u elektronski upisnik i sve ključne aktivnosti sudija i pomoćnog osoblja zabilježene su u sistemu. Također, sistem korisnicima osigurava podsjetnike za aktivnosti koje trebaju poduzeti i za rokove do kojih te aktivnosti moraju biti završene. Elektronski sistem, koji sada povezuje tužilaštva sa sudovima, pomaže da se radi brže i produktivnije. Prije uvođenja CMS aplikacije za tužilaštva, tužioci su morali čekati po nekoliko dana na sudijsku potvrdu naloga o pritvoru, te zapisivati datume isteka pritvora u svojim bilježnicama. Sada se svi pritvori mogu vidjeti na početnoj stranici tužilačkog CMS-a, čim ih sud potvrdi. Slično tome, svi tužioci imaju raspored svojih ročišta, koji se blagovremeno ažurira čim sud potvrdi ili napravi izmjenu u rasporedu ročišta.

Najveće koristi sudske verzije CMS-a za sudije i sudsko osoblje ogledaju se u sljedećem:

- evidentiranje dostave i prijema dokumenata u svakom pojedinačnom predmetu;
- predmeti se mogu elektronski spajati i razdvajati;
- automatska razmjena dokumenata između sudova i tužilaštava;
- dostavljeni dokumenti mogu se registrirati po bar kodu;
- omogućeno je evidentiranje pritvora, sankcija i kazni;
- omogućeno je praćenje izvršenja pritvora, sankcija i kazni;

- omogućeno je direktno generiranje tačnih izvještaja o radu sudova.
- Slično navedenom, najveće koristi za korisnike tužilačke verzije CMS-a su sljedeće:
- obrazac za evidentiranje dokumenata i otvaranje predmeta;
 - različite vrste zadataka mogu se dodijeliti elektronski različitom osoblju u tužilaštvu;
 - rasprave se mogu prijaviti elektronski;
 - automatsko obavještenje o povezanim predmetima u sudu i tužilaštvu;
 - automatska razmjena dokumenata između suda i tužilaštva;

CMS se konstantno prati, analizira i unapređuje.

Tabelarni prikaz stanja opremljenosti informatičkom i drugom opremom, na dan 31.12.2015. godine

	Budžetski korisnik	Informatička oprema (kom)				Oprema za prenos podataka (kom)			klima	Motorno vozilo
		računar	šampač	skener	audio oprema	fax	mobitel	telefon		
1	Kantonalno tužilaštvo	76	46	3	1	1	7	15	24	4
2	Kantonalni sud	90	42	2	2	1	1	40	34	1
3	Općinski sud u Zenici	182	91	8	7	3	3	90	25	2
4	Općinski sud u Tešnju	38	21	2	2	2	1	21	1	1
5	Općinski sud u Zavidovićima	65	32	4	2	2	-	30	15	1
6	Općinski sud u Kaknju	35	21	2	2	1	1	14	10	2
7	Općinski sud u Visokom	62	37	6	1	2	-	27	10	3
8	Općinski sud u Žepču	45	16	2	-	-	--	2	8	1

U toku 2015.godine, ministarstvo je izvršilo nabavku najneophodnije opreme za institucije pravosuđa, koja obuhvata kancelarijski namještaj, informatičku opremu i drugu opremu u ukupnom iznosu 42.621,00 KM.

Isto tako, putem VSTV BiH, te putem državnog budžeta i budžeta Projekta unaprijeđenje efikasnosti pravosuđa u 2015. godini, pravosudnim institucijama u Zeničko-dobojskom kantonu donirano je opreme u vrijednosti od 320.882,00 KM (obuhvata kancelarijski namještaj, informatičku opremu i sl.).

POGLAVLJE III - Ljudski resursi

Kad govorimo o ljudskim resursima u sudovima i tužilaštvima, onda treba imati u vidu da tu strukturu čine sudije/tužitelji i sudska uprava (službenici suda) koja je u stvari, osoblje koje direktno asistira sudcima/ tužiteljima, administrativno osoblje i pomoćno osoblje.

A. Sudije i tužioci

Zakonom o visokom i sudskom tužilačkom vijeću (Službeni glasnik BiH“, broj 25/04, 93/05, 15/08, 48/07) utvrđeni su uslovi i mandat za vršenje sudske i tužilačke funkcije. Sudije kantonalnog suda moraju imati najmanje pet godina iskustva u radu kao sudije, tužioci, advokati ili drugo relevantno pravno iskustvo, nakon položenog pravosudnog ispita. Imenuju se na mandat neograničenog trajanja, s tim što im mandat može prestati u slučaju da

- podnesu ostavku,
- navrše starosnu dob propisanu za obavezan odlazak u penziju ili
- budu razriješeni dužnosti iz razloga utvrđenih zakonom.

Sudije općinskog suda moraju imati najmanje tri godine iskustva u radu na pravnim poslovima, nakon položenog pravosudnog ispita. Sudije se imenuju na mandat neograničenog trajanja s tim što im mandat može prestati u slučaju da

- podnesu ostavku,
- navrše starosnu dob propisanu za obavezan odlazak u penziju ili
- budu razriješeni dužnosti iz razloga utvrđenih zakonom.

Predsjednik općinskog suda je jedan od sudija imenovanih u taj sud, koji ima dokazane rukovodne i organizacijske sposobnosti bitne za rad tog suda, a imenuje se na mandat od četiri (4) godine i može biti ponovo imenovan.

Glavni kantonalni tužilac i zamjenici glavnih tužioca moraju imati najmanje pet godina iskustva u radu kao sudije, tužioci, advokati ili drugo relevantno pravno iskustvo nakon položenog pravosudnog ispita. Oni moraju imati dokazane rukovodne i organizacijske sposobnosti bitne za rad ovih tužilaštava. Imenuju se na mandat od pet (5) godina i mogu biti ponovo imenovani, s tim što im mandat može prestati u slučaju da

- podnesu ostavku,
- navrše starosnu dob propisanu za obavezan odlazak u penziju ili
- budu razriješeni dužnosti iz razloga utvrđenih zakonom.

Kantonalni tužioci moraju imati najmanje tri godine iskustva u radu na pravnim poslovima, nakon položenog pravosudnog ispita. Kantonalni tužioci se imenuju na mandat neograničenog trajanja, s tim što im mandat može prestati u slučajevima navedenim za ostale nosioce pravosudnih funkcija.

B. Sudska uprava

Prema odredbama važećeg Pravilnika o utvrđivanju kriterija za određivanje potrebnog broja službenika suda u općinskim i kantonalnim sudovima i Vrhovnom i Ustavnom sudu Federacije Bosne i Hercegovine i o utvrđivanju broja službenika suda u zemljišnoknjižnim uredima u općinskim sudovima u Federaciji Bosne i Hercegovine („Sl. novine Federacije, broj: 38/05 i 22/06), kriterije za određivanje ukupnog broja službenika u sudovima utvrđuje federalni ministar pravde. Taj omjer je slijedeći:

- 3 zaposlenika na jednog sudiju u općinskim sudovima,
- 2,5 zaposlenika na jednog sudiju u Kantonalnom sudu.


Iznimno u sudovima koji imaju sedam ili manje sudija, omjer broja zaposlenika u odnosu na broj sudija je 3,5 u općinskim sudovima, odnosno 3 zaposlenika u kantonalnom sudu.

U omjer su uključeni stručni saradnici (ne odnosi se na one koje je imenovalo VSTV), pripravnici, i zaposlenici na administrativnim i pomoćno-tehničkim poslovima.

Popunjenost radnih mjesta prema sistematizaciji – ukupno

	Budžetski korisnik	Broj sistematizacijom predviđenih mjesta	broj popunjenih mjesta	procenat popunjenosti
1	Kantonalno tužilaštvo	114	76	67%
2	Kantonalni sud	79	59	75%
3	Općinski sud u Zenici	185	157	85%
4	Općinski sud u Tešnju	41	37	90%
5	Općinski sud u Zavidovićima	62	48	77%
6	Općinski sud u Kaknju	39	32	82%
7	Općinski sud u Visokom	84	63	75%
8	Općinski sud u Žepču	32	20	63%
	UKUPNO:	636	492	77%

Popunjenost radnih mjesta prema sistematizaciji



broj predviđenih mjesta	114	79	185	41	62	39	84	32
broj popunjenih mjesta	76	59	157	37	48	32	63	20
procenat popunjenosti %	67	75	85	90	77	82	75	63

redni broj	Kantonalno tužilaštvo	broj predviđenih mjesta	broj popunjenih mjesta	broj upražnjenih mjesta
1	tužioci	33	26	7
2	stručni saradnici po (vstv-u)	-	-	-
3	državni službenici	20	9	11
4	Namještenici	61	41	20
5	ukupno:	114	76	38

redni broj	Kantonalni sud		broj predviđenih mjesta	broj popunjenih mjesta	broj upražnjenih mjesta
1	sudije:	redovne	18	16	2
		dodatne	6	2	4
2	stručni saradnici (po vstv-u)		-	-	-
3	državni službenici		14	7	7
4	namještenici		41	34	7
5	UKUPNO:		79	59	18

redni broj	Općinski sud u Zenici		broj predviđenih mjesta	broj popunjenih mjesta	broj upražnjenih mjesta
1	sudije:	redovne	29	25	4
		dodatne	12	5	7
2	stručni saradnici (po vstv-u)		7	6	1
3	državni službenici		10	8	2
4	namještenici		127	113	14
5	UKUPNO:		185	157	28

redni broj	Općinski sud u Tešnju		broj predviđenih mjesta	broj popunjenih mjesta	broj upražnjenih mjesta
1	sudije:	redovne	6	6	0
		dodatne	1	1	0
2	stručni saradnici (po vstv-u)		3	3	0
3	državni službenici		4	3	1
4	namještenici		27	24	3
5	UKUPNO:		41	37	4

redni broj	Općinski sud u Zavidovićima		broj predviđenih mjesta	broj popunjenih mjesta	broj upražnjenih mjesta
1	sudije:	redovne	9	9	0
		dodatne	4	1	3
2	stručni saradnici (po vstv-u)		3	3	0
3	državni službenici		4	2	2
4	namještenici		42	33	9
5	UKUPNO:		62	48	14

redni broj	Općinski sud u Kaknju		broj predviđenih mjesta	broj popunjenih mjesta	broj upražnjenih mjesta
1	sudije:	redovne	6	6	0
		dodatne	1	1	0
2	stručni saradnici (po vstv-u)		1	1	0
3	državni službenici		3	2	1
4	namještenici		28	22	6
5	UKUPNO:		39	32	7

redni broj	Općinski sud u Visokom		broj predviđenih mjesta	broj popunjenih mjesta	broj upražnjenih mjesta
1	sudije:	redovne	14	13	1
		dodatne	-	-	-
2	stručni saradnici (po vstv-u)		4	3	1
3	državni službenici		15	4	11
4	namještenici		51	43	8
5	UKUPNO:		84	63	21

redni broj	Općinski sud u Žepču		broj predviđenih mjesta	broj popunjenih mjesta	broj upražnjenih mjesta
1	sudije:	redovne	4	4	0
		dodatne	1	0	1
2	stručni saradnici (po vstv-u)		1	1	0
3	državni službenici		6	0	6
4	namještenici		20	15	5
5	UKUPNO:		32	20	12

POGLAVLJE IV - Rezultati rada

U toku 2015. godine u radu sudova Zeničko-dobojskog kantona je bilo ukupno 251130 predmeta, od čega je riješeno 76 082 predmeta.

Vrsta predmeta	Broj neriješenih predmeta 1.1.2015.	Broj primljenih predmeta tokom 2015.	Ukupan broj predmeta u radu tokom 2015.	Broj riješenih predmeta tokom 2015.	Broj neriješenih predmeta sa 31.12.2015.
Parnični referat	10 885	12 198	23 083	13 011	10 072
Krivični referat	2 547	7 293	9 840	7 474	2 366
Izvršni referat	149 728	26 789	176 517	34 972	141 545
Vanparnični referat	3 074	6 667	9 741	5 615	4 126
Prekršajno odjeljenje	18 063	13 216	31 279	14 434	16 845
Upravno odjeljenje	166	504	670	576	94
UKUPNO	184 463	66 667	251 130	76 082	175 048

Kvalitet rada svakog sudova prikazan je u tabelama koje slijede


Kvalitet rada suda

<u>SUD</u>	Broj predmeta u kojima je uložena žalba	Broj odbačenih žalbi	Broj potvrđenih odluka	Broj preinačenih odluka	Broj ukinutih odluka	Broj djelimično ukinutih odluka	Ukupan broj	Kvalitet rada suda- procentualno	Broj predmeta vraćenih na ponovno suđenje
Kantonalni sud	2 245	96	138	21	24	2	185	89,6	24
Općinski sud u Zenici	1 992	50	1 787	50	138	16	4 033	94,4	118
Općinski sud u Tešnju	270	6	202	29	29	4	270	91,0	29
Općinski sud u Zavidovićima	414	0	296	51	64	3	414	88,0	0
Općinski sud u Kaknju	267	77	221	27	17	2	267	94,9	19
Općinski sud u Visokom	1 021	7	842	88	91	0	1 021	89,9	21
Općinski sud u Žepču	118	0	86	17	15	0	118	89,6	0

Realizacija godišnjeg plana rješavanja starih predmeta


Naziv suda	Plan 2015	Ostvarenje plana	Broj sudija/ stručnih saradnika	Broj riješenih predmeta po sudiji/stručn om saradniku	Procenat ostvarenja Plana	Ostalo predmeta iz Plana za 2015
Kantonalni sud	2483	2479	20	124	99,84%	4
Općinski sud u Zenici	10 307	8 944	37	242	86,78%	1 363
Općinski sud u Tešnju	2 646	1 597	9	177	60,36%	1 049
Općinski sud u Zavidovićima	3 037	2 377	12	198	78,27%	660
Općinski sud u Kaknju	1 451	1 218	6	203	83,94%	233
Općinski sud u Visokom	3 984	3 593	18	200	90,19	391
Općinski sud u Žepču	1 130	823	5	165	72,83%	307

Realizacija godišnjeg Plana rješavanja starih predmeta po sudovima



Plan za 2015.	2.483	10.307	2.646	3.037	1.451	3.984	1.130
Ostvarenje plana 31.12.2015.	2.479	8.944	1.597	2.377	1.218	3.593	823
Procenat ostvarenja %	99,84	86,78	60,36	78,27	83,94	90,19	72,83

Realizacija godišnjeg Plana rješavanja starih predmeta po jednom sudiji



Rezultati rada Kantonalnog tužilaštva

Vrsta predmeta	Broj neriješenih predmeta 1.1.2015.		Broj primljenih predmeta tokom 2015.	Ukupan broj predmeta u radu tokom 2015.		Broj riješenih predmeta tokom 2015.		Broj neriješenih predmeta sa 31.12.2015.		Broj podignutih optužnica tokom 2015.	Broj podignutih optužnica po tužiocu
	prijave	istrage		prijave	istrage	prijave	istrage	prijave	istrage	ukupno	Pri. po tužiocu
KT	1 327	497	5 690	4 390	3 124	3 074	2 665	1 316	459	2 209	105,2
KTP O	395	109	583	828	259	413	164	415	95	103	10,3
KTM	32	22	160	164	50	147	47	17	2	25	7,7
KTR Z	0	28	14	12	30	12	13	0	17	1	-
KTN RZ	56		6	62		15		47			
KTA RZ	77		11	88		16		72			
KTN	5 999		1 016	7 006		729		6 277			
KTA	752		1 061	1 813		1 112		701			
ukupno	9 285		851	17 826		8 408		9 418		2 313	110

Kvalitet rada Kantonalnog tužilaštva

Kantonalno tužilaštvo	Broj podignutih optužnica	Broj nepotvrđenih optužnica	Broj donesenih presuda	Osudujuće presude	Oslobađajuće presude	Odbijajuće presude	Kvalitet tužilačkih odluka
Broj	2313	3	2255	2083	130	42	94%
Procenat	100%	0,13%	100%	92,38%	5,76%	1,86%	


Realizacija godišnjeg plana rješavanja starih predmeta Kantonalnog tužilaštva

Kantonalno tužilaštvo	Plan za 2015.godinu		Ostvarenje plana		Broj tužilaca	Broj riješenih predmeta po tužiocu	Procenat ostvarenja plana	Ostalo predmeta iz plana za 2015.godinu
KTZDK	prijave	istrage	prijave	istrage	23	14	82,00%	69
	306	77	269	45				
Ukupno:	383		314					

POGLAVLJE V - Finansiranje

U Budžetu Zeničko-dobojskog kantona se obezbjeđuju sredstva za rad Kantonalnog suda, općinskih sudova i Kantonalnog tužilaštva. Resorno ministarstvo predlaže sredstva za budžetske korisnike na osnovu prikupljenih zahtjeva sudova, analizira ih i dostavlja Ministarstvu finansija. Ministarstvo za pravosuđe i upravu ima obavezu dostavljanja prijedloga budžeta Visokom sudskom i tužilačkom vijeću, koje daje svoje primjedbe i sugestije. S tim u vezi u Budžetu Zeničko-dobojskog kantona za 2015. godinu obezbijeđena su sredstva za rad sudova/tužilaštva, kako je prikazano u niže navedenoj tabeli:

	budžetski korisnik	Odobreni budžet 2015	Izvršenje budžeta za 2015	Neizmirene obaveze na dan 31.12.2015.	
				Obaveze prema dobavljačima	Obaveze prema zaposlenim
1	Kantonalni sud	2 627 366	2 553 513	243 197	174 546
2	Kantonalno tužilaštvo	2 743 733	2 737 887	127 710	223 674
3	Općinski sud u Zenici	4 665 507	4 675 341	1 599 531	331 296
4	Općinski sud u Tešnju	1 168 065	1 158 322	202 584	40 569
5	Općinski sud u Zavidovićima	1 570 672	1 567 976	546 146	105 014
6	Općinski sud u Kaknju	978 187	999 952	130 517	55 475
7	Općinski sud u Visokom	2 260 485	2 256 641	496 378	183 985
8	Općinski sud u Žepču	657 261	700 937	31 602	52 934



Usvojeni Program mjera štednje Vlade Zeničko-dobojskog kantona za 2015. godinu podrazumijeva poduzimanje aktivnosti svakog budžetskog korisnika na racionalizaciji svih vidova troškova u okviru resorne djelatnosti.

U tom smislu Ministarstvo za pravosuđe i upravu sačinilo je analizu postojećih troškova za PTT usluga svojih budžetskih korisnika i na osnovu iste izradilo Informaciju o mogućoj racionalizaciji troškova ovih usluga koji nastaju u radu sudova kao i zbog povećanog obima poslova koje imaju sudovi, posebno kad su u pitanju komunalni predmeti, i predložilo mjere za njihovo smanjenje. Vlada je usvojila Informaciju i odobrila upošljavanje kurira-dostavljača na određeno vrijeme u trajanju od šest mjeseci (12 od toga 4 u Općinskom sudu u Zenici)

Rezultati ove mjere su, da je dug za PTT usluge koji je u 2014. godini iznosio 1.439.551,00 KM smanjen za 748.444,00 KM. Osim toga postignute su uštede što se vidi iz pokazatelja:

- za prvih devet mjeseci 2014. godine troškovi za PTT usluge iznosili su 773 551,00KM, dok su
- troškovi za isti period 2015 godine smanjeni za 36.826,00KM, i iznose 736.725,00KM.

U septembru je mjesečna ušteta samo u Općinskom sudu u Visokom iznosila 10.997,00KM.

Ovome svakako doprinosi vrlo odgovoran odnos svih sudova u pogledu smanjivanja troškova, na način da ove poslove obavljaju uposlenici zaposeni na drugim poslovima (radnik na info desku u Žepču, referenti – sudski izvršitelji, pa čak i uposlenici koji žive u mjestima sjedišta odjeljenja za sudove koji imaju odjeljenja, Visoko npr.).

Poseban osvrt u ovoj informaciji želimo dati i aktivnostima koje je Ministarstvo za pravosuđe u upravu u saradnji sa općinskim sudovima ostvarilo u toku 2015 godine kada je u pitanju implementacija alternativne sankcije rad za opće dobro na slobodi. Ministarstvu za pravosuđe i upravu Zeničko-dobojskog kantona dostavljene su 72 presude kojima je uz pristanak osuđenog kazna zatvora do godine dana zamjenjena alternativnom sankcijom rad za oće dobro na slobodi.

Najviše presuda izrekao je Općinski sud u Zenici (62), a zatim Općinski sud u Visokom (10).

Status tih presuda je: 28 izvršeno i 44 vraćene sudu. Razlozi nedostatak poslodavca, kod kojih se ova sankcija provodi. U Zeničko-dobojskom kantonu stvarnu saradnju u 2015 godini ministarstvo je ostvarilo sa dva poslodaca JP „Vodovod i kanalizacija Zenica i „Alba“ d.o.o.Zenica , pred kraj 2015 godine „Dom za stara lica“ Zenica, i u Visokom „ŠPD Zavidovići“ Šumska uprava Visoko i „Gradska groblja“ Visoko)

Ostvareni EKONOMSKI EFEKAT implementiranih 28 presuda je ušteta od **591.00,00 KM** za Federaciju BiH, a za poslodavca kod kojeg se rad za opće dobro izvršavao ušteta u iznosu **24.091,6 KM** (ova ušteta je u navećen dijelu ušteta jednog poslodavca jer su ostali potpisali ugovore sa ministarstvom pred kraj godine koja je izvještajni period)

EKONOMSKI EFEKAT koji bi se ostvario da su implementirane 72 presude iznosio bi **1.755.000;00 KM** za Federaciju a za poslodavce **78.687,20 KM** (vrijednost besplatanog rada koji je bi poslodavac dobio. bez obračunatih doprinosa na platu)

ZAKLJUČCI

- Ministarstvo za pravosuđe i upravu Zeničko – dobojskog kantona nastavlja sa porškom daljem provođenju Strategije za reformu sektora pravde u Bosni i Hercegovini za razdoblje 2014 - 2018 godine sa ciljem ostavarenja efikasnog, učinkovitog i koordiniranog sistema pravde u Bosni i Hercegovini odgovornog prema svim građanima BIH i potpuno usklađenog sa EU standardima i najboljom praksom, garantirajući vladavinu prava, kao vizije sektora pravde,
- Ministarstvo za pravosuđe i upravu će nastaviti saradnju i pružati koontinuiranu podršku Visokom sudskom i tužilačkom vijeću u cilju sprovođenja mjera koje su od značaja za efikasnost, kvalitet, odgovornost i nezavisnost pravosuđa,
- Ministarstvo će nastaviti sa punom podrškom aktivnostima VSTV-a i pravosudnih institucija kojima će se :
 - ✓ smanjiti broj neriješenih prijava i istraga,
 - ✓ smanjiti ukupan broj starih predmeta,
 - ✓ povećati broj riješenih stečajnih predmeta,
 - ✓ procesuirati predmete ratnih zločina, te organizovanog, privrednog kriminala i korupcije,
 - ✓ obezbijediti efikasniji sistem ocjenjivanja rada nosilaca pravosudnih funkcija u sudovima i tužilaštvima,
- Održati kontinuitet dosadašnje podrške da se prilikom kreiranja budžeta i za 2017. godinu, povećaju sredstva potrebna za popunjavanje upražnjenih pozicija u sudovima i tužilaštvima, i sredstva za kapitalna ulaganja radi rekonstrukcije i investicionog održavanja zgrada pravosuđa kako je to navedeno u Informaciji, kao i zamjene dotrajale računarske opreme i nabavke opreme koja nedostaje.

MINISTAR

Mirnes Bašić